

# 新申報號外

三月廿八日  
上海乍浦路四五五  
新申報館

## 中華民國維新政府之誕生

先哲有言、一年之計在於春、夫春之爲候也、發育萬物、維新萬象、生機普遍於宇宙、使人樂其業、安其居、經緯謀劃、預計一年之盈豐、慶八節、歡四時、以濟社會於昇平、促家國於隆盛、洩々融々、民胞物與、圖治道、謀進化、爲季之首、歲之元也。

今者、淑氣迎人、晴光映眼、春景方濃、春風煦動、吾人際此歲華、喜且無既、况樂事之來、尙有高出其上萬萬者乎、夫一人之樂、不若一家之樂、一家之樂、不若一國之樂、而此一國之樂事、今已乘春風、隨春景、巍々然、浩々然、誕生於宇宙之間、其事維何、蓋卽我中華民國維新政府之成立是也！春雷一震、萬物昭蘇、瑞靄驟呈、四方畢悅、我中華民國維新政府、順天應人、於舉世熱望之中、成立於南京、南京、古帝王之所都、其間因陷於賊、爲國共兩黨所竊據者、十有餘年、虐政暴行、民怨集結、今則賊、氛已去、鐘山之靈秀倍前、妖氣盡消、紫金之光暉盡復、時也、地也、兩得其宜矣、而我維新政府之政綱大致、曰、實行三權鼎立之憲政制度、取消一黨專政、曰、切實防共、使赤化不致危害東亞、曰、以平等爲外交之原則、不喪主權、敦睦鄰邦、應世界現勢、保持締約各國之永遠親善、曰、救濟失業、啓發資源、興工、務農、廣吸外資、與友邦作經濟之提協、此數者、可謂立國之宏猷、治世之大道矣、夫政賴人而施、治因人而成、若徒有其典章法度、而無英賢以運用之、亦不足以饜民望、今我維新政府之首要、如梁鴻志、溫宗堯、章士釗諸賢、或揆政柄、或立法制、或主司法、其道德學識、皆高人一等、陳則民、王子惠、任援道、陳錦濤、陳錄、陳羣、諸閣員亦皆一時俊傑、愛國愛民、不同凡俗、此不但維新政府深慶得人、亦我中國人民之大幸也、願年以來、國共兩黨、庸鄙無謀、負義忘恩、敵鄰仇友、構結兵禍、塗炭生靈、今當民望喁喁之時、欣逢維新政府之成立、從此倒懸可解、疾苦漸忘、海宇清明、萬邦慕治、喜也、樂也、誠有史以來、未有之大慶也。

## 中華民國維新政府萬歲！